

靈寶无量度人上品妙經卷之四十一 字一

五行備足生靈壽域品

道言昔於大羅浮光天中妙安飛真大善極  
土受元始度人五行備足生靈壽域无量上  
品元始天尊當說是經周回十過以召十方

始當詣座天真大神上聖高尊妙行真人無  
鞅數衆乘空而來紫煙散景流雲交映仙歌  
合奏神風靜籟絳車彩蓋寶網瓊軒三素玉  
光九華窈窕洞煥太空七日七夜諸天宮殿  
日觀月扉星網含次斗宿經躔璇璣玉衡泊

然停景神煙散蕩山海藏雲天無浮氣八景  
明清一國地土山川林木緬平一等無復高  
下土皆作紺玉無有異色丹彩青明涵影轉  
照衆真侍座

元始天尊玄坐空浮五色獅子之上說經一

字一

徧諸天大聖同時稱善是時一國男女安壽  
超逸五行之氣大備大足無有傷殘說經二  
徧慶雲昭瑞惠露敷空說經三徧萬寶呈祥  
五行昌順說經四徧神鍊心通民無疾病說  
經五徧天霑寶蓮真仙化立說經六徧玉嬰

空歌音參大洞說經七徧九幽息對水火分  
源說經八徧真符宣宥幽顯霑恩說經九徧  
萬神迎光混生帝一說經十徧朽骸重起靈  
運成人是時一國是男是女莫不傾心皆受  
護度咸得長生

道言是時元始天尊說經一徧東方无極无  
量品顯仁大神無鞅之衆浮空而至說經二  
徧南方无極无量品威化大神無鞅之衆浮  
空而至說經三徧西方无極无量品周覽大  
神無鞅之衆浮空而至說經四徧北方无極

无量品收攝大神無鞅之衆浮空而至說經  
五徧東北无極无量品定志大神無鞅之衆  
浮空而至說經六徧東南无極无量品普振  
大神無鞅之衆浮空而至說經七徧西南无  
極无量品保安大神無鞅之衆浮空而至說  
經八徧西北无極无量品正氣大神無鞅之  
衆浮空而至說經九徧上方无極无量品元  
光大神無鞅之衆浮空而至說經十徧下方  
无極无量品妙靈大神無鞅之衆浮空而至  
十徧周竟十方无極天真大神一時同至一

靈寶度量上人妙品經

國男女傾心歸仰來者有如細雨泛空合沓  
駢至無鞅之衆迨國一半土皆偏陷非可禁  
止於是元始運神真境聚萬八千天十方國  
土九地幽泉圍成一珠大如黍米在空玄之  
中去地百丈元始登引天真大神上聖高尊  
妙行真人十方无極五方備足至真大神無  
鞅數衆俱入寶珠之中天人仰看惟見勃勃  
從珠口中入既入珠口不知所在國人靡散  
地還平正無復畝陷元始即於寶珠之內十  
方國土無鞅數衆天人仙聖一切鬼神之中

晉告大衆曰五行備足生靈壽域者為天地  
之終極大道之要妙自非上聖不得而明五  
行者三才之神用至真之靈蘊風熱燥濕寒  
為天之五行木火土金水為地之五行喜怒  
思憂恐為人之五行生長化收藏為四時之  
五行周天氣者六者為一備終地紀者五歲  
為一足五行備足則氣運平正氣運平正人  
無夭傷各得全其天年至學之士抑勝助衰  
使正氣長存無太過不及之患則長生神仙  
久視無窮得安壽域者限畛封際之義

數之終始五六相合而七百二十氣爲一紀  
凡三十歲千四百四十氣六十歲爲一周不  
及太過則非備足所謂備足正宮正徵爲備  
足少宮少徵即非備足五行平正則陰陽無  
剋賊之患陽法順施長生不死變化返覆出  
生入死入死出生羽化神仙與道合體上爲  
真人說經都竟衆真監度以授於我當此之  
時喜慶難言法事粗悉諸天復位倏欵之間  
寂無遺響是時天人遇值經法普得濟度全  
其本年無有中傷傾土歸仰咸行善心無爲

無事無爭無欲無貪無起無滅無思無得無  
隨言無唱物口無邪聲齊同慈愛異骨成親  
國安民豐欣樂太平經始出教一國以道預  
有至心宗奉禮敬皆得度世

道言元始天尊說經中所言並是諸天上帝

內名隱韻之音亦是魔王內諱百靈之隱名  
也非世之常辭上聖已成真人五行備足壽  
限無極通玄究微能悉其章誦之十過諸天  
遙唱萬帝設禮河海靜默山嶽蔽雲日月停  
景璇璣不行群魔束形鬼精滅爽迴屍起死

靈寶先天度量人上品妙經

白骨成人五星之精感降身形運備氣足生  
道永固紫脉纏腦赤筋霜髓枯朽更還至學  
之士誦之十過則五帝侍衛三界稽首魔精  
喪眼鬼杖滅爽濟度垂死絕而得生所以爾  
者學士知五氣之用補缺平勝續絕延生運  
字一  
極化源知生之幾得道之本雖備未足穢氣  
未消體未洞真召制十方威未制天政德可  
伏御地祇束縛魔靈但却死而已不能更生  
輕誦此章身則被殃供養尊禮門戶興隆世  
世昌熾與善因緣萬災不干神明護門斯經

尊妙獨步玉京度人无量爲萬道之宗魏魏  
大範德難可勝

道言凡誦是經十過諸天齊到億曾萬祖幽  
魂苦爽皆即受度上昇朱宮格皆九年受化  
更生得爲貴人五行備足數極於九九變爲  
一一變於九無過不及大小齊等則金木運  
和水火合德土之一氣遊行其中固此四象  
幽魂苦爽以洞文玄要而得受鍊備足之氣  
九年登真受化生成而好學至經功滿德就  
皆得神仙飛昇金闕遊宴玉京也上學之士

修誦是經皆即受度飛昇南宮南宮爲六氣  
五運之天非其位則邪當其位則正五行備  
足得昇南宮朱陵之府降正真之氣入身得  
仙世人受誦則延壽長年備則不乏足則不  
極一切生靈能盡此道則壽域定筭後皆得  
作尸解之道魂神暫滅不經地獄字一即得返形五  
遊行太空此經微妙普度無窮一切天人莫  
不受慶無量之福生死蒙惠上天所寶不傳  
下世至士齋金寶效心盟天而傳輕泄漏慢  
殃及九祖長役鬼官侍經五帝玉童玉女各

二十四人營衛神文保護受經者身

道言正月修齋誦詠是經九氣發生爲上世  
亡魂斷地逮役度上南宮四月修齋誦詠是  
經三氣養育萬物滋榮春屬宗親皆獲長年  
七月修齋誦詠是經七氣收斂萬寶結成以  
濟兆民身得神仙諸天書名黃籙白簡削死  
上生十月修齋誦詠是經五氣安鎮福歸人  
君國祚綿長永保太平四季吉日誦詠是經  
一氣和貞永斷剋害消滅瘟疫使生民安泰  
境土樂康位爲九宮真人離合之日誦詠是

靈寶度量上人妙經

經天道澄清大地安寧心契至真克獲飛昇  
魂神澄正萬炁長存不經苦惱身有光明三  
界侍衛五帝司迎萬神朝禮名書上天功滿  
德就飛昇上清

道言行道之日皆當香湯沐浴齋戒入室  
東向叩齒三十二通上闕三十二天心拜  
三十二過閉目靜思身坐青黃白三色雲  
氣之中內外翳冥有木九火三土一金七  
水五二十五真侍衛左右日月照明五星  
輝耀項生圓象光映十方如此分明密呪

曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人關啓所言今日吉慶  
長齋清堂修行至經無量度人願所啓上徹

字一

六

徑御

無上三十二天元始上帝至尊几前畢

引蕊三十二過東向誦經

靈寶无量度人上品妙經

元始無量度人上品妙經

元始洞玄靈寶本章五行備足生靈壽域十  
回度人六氣五運合會飛昇太虛寥廓肇立  
元根神靈浮景大化生音三玄降鍊無象無  
形八垣舒光陰復陽明剛柔相勝皇道乃旋  
玉機飛輪流演萬天丹輝晶瑩正炁綿綿太  
玄帝一開生御圖皇上素耀普受真符青簡  
綠字鳳紐靈書七神啓輝備足五行經緯交  
絡輪轉四虛巍巍玄景萬聖之居中有廣霞  
校錄之君中有長壽應運之尊中有麗陰仙

鍊之其中有鬱單變氣丈人中有崑崙閻風  
司執元化統御萬道延壽事神浮霄鎮嶽無  
量度人今日敷教諸天臨軒

東方无極開生神王長生大聖无量度人  
南方无極化育神王長生大聖无量度人

字一

七

西方无極玄變神王長生大聖无量度人  
北方无極持德神王長生大聖无量度人  
東北无極隱妙神王長生大聖无量度人  
東南无極泰幽神王長生大聖无量度人  
西南无極冲氣神王長生大聖无量度人

靈寶无量度人上品妙經

西北无極合道神王長生大聖无量度人  
上方无極廣運神王長生大聖无量度人  
下方无極定鎮神王長生大聖无量度人  
十方至真立極神王長生度世无量大神並  
乘流颺翠車華輦紫蓋飛輪驂駕龍虎道從  
風雲建丹光之節靈鳳黃旗左列九天寶器  
右陳八景真文神印朱符收攝萬炁天網前  
驅七元後從四極十華讚詠而來天經明耀  
召靈度仙鬱單翊相大洞高真青華上佐萬  
始先生總領圖籍來詣帝軒隨劫開建嚴校

五行持紐運機使氣無傾大劫交周同會河  
源促召鳥毋役御蛟龍陀丘億衆下守崑山  
灌注東井通導水津洪波浩蕩風淵九重數  
殆百六陰極歸陽金玉化銷六合冥冥五常  
返復水火推遷延康既往蕩穢除姦高仙下  
降拔度種民長安太虛遊宴上玄赤光開圖  
三象復明吾憫群類乃降玉章以命五老安  
鎮長存茫茫萬有統以三官生正五嶽上列  
五神元和備足形具乃生受道真妙皆獲長  
年永斷勝伏剋傷之數逍遙朱宮飛天太丹

太丹之天天帝圓羅混合之境梵行

東方八天

太豫玉微天

帝韞慈時明

朱英舜鵠天

帝浮輝元霄

思佑太和天

帝崿都仇瀾

至正廓常天

帝栢闌觀生

寥霄散神天

帝肇敷蒙儲

徧景耀華天

帝求時衍疆

樂淵鏡皇天

帝超度幽明

皓輝慶名天

帝總監韓司

南方八天

洞覺合帝天

帝虛陳妙依

玉元澄至天

帝景伯孫

梵光靜真天

帝泰初止騫

照理極炎天

帝虛神管魂

九帝辨宗天

帝陰君密通

太丹冲基天

帝鬼祖登

逸用變神天

帝嶽靈轉蹊

藏氣化仙天

帝領真監

西方八天

大委顯光天

帝素明耀羅

紫宸大元天

帝子竇窈門

夜光含液天

帝朱華正幾

感穴凝金天

帝瓊池祥延

麗澤正肅天

帝鬼化竒都

玉瀾麗初天

帝晶齊演山

崇仁振幽天

帝魄度陵

照胎化真天

帝蕩元伯康

北方八天

太上真化天

帝絳氣玉華

造玄遠揚天

帝重明仙

軫翼司赫天

帝鍊神超雲

直泉閱崇天

帝黎松淨空

燕和納嘉天

帝宗冥析修

淵光元淨天

帝四登朗期

瓊聖紫霄天

帝無常居

洞波混溟天

帝震歷五輪

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈八遷四

靈寶无量度人上品妙經

纏合并太清玄運之度變化有常流演三華  
普育生民升騰兩曜灌鍊五行正綱執紀以  
化萬靈使氣備足壽域無傾七九相結大小  
相交大輪運化經緯幽寥周還四精回度扶  
搖天開地闢梵炁流焱五神飛光萬類肇形  
禹坎化真咸契生成丹靈玄仞蒼宮浩清今  
日欣慶建立三景騰輝鎮安地紐旋斡天維  
超昇玉闕位列太微大魔監察明啓元機歲  
星守肝太白檢肺熒惑正心辰耀輔腎鎮星  
定脾布天威令始老發生皇老保命真老降

氣玄老開性元老四據萬境以正九氣仙王  
總校圖錄三炁仙王攝御養育七氣仙王司  
執殺伐五氣仙王肅清蕩滌一氣仙王坐鎮  
天闕五方上真化天稱尊飛行八極總領神  
兵爲道元輔持握四溟遏絕邪源除蕩妖氛

字一

十

威光下濟周徧十方雷電爭激風火施張萬  
彙保安道化寧康息澄真固並獲長生恢宣  
大範告命普聞五神協慶列象文明大殺豁  
落陰斗書名攝召六天考校雲營百邪摧伏  
氣合真仙炎精振威淵耀持權生靈安泰壽

靈寶度量人上品妙經

域永延元始符告勅命天官不容隱過開導  
冥關幽沉群類俱遂昇遷三元上佐列奏

上玄

開天御曆龍耀剛風黃素敷真太合玄空上  
輪元斗下立靈宮飛神化育梵炁成文渺渺  
洞泉無極冥冥天闕運轉群品流形元造億  
劫溟滓鴻濛赤光啓明混沌冲融泰清遼邈  
杳杳無窮靈寶設象萬化之宗太微九道皇  
極彌隆上元浩立大洞玉篇三十九皇赤書  
寶章普植百神永鎮十方常安太虛正憲宣

揚儀璘執試萬景舒光玄網調攝位列高真  
其中上靈金闕輔臣揮霞紫房御氣太霄流  
音景延合範清謠雲營定質炎方扇颯鬱察  
圓羅召命玉宸玉宸降氣自然化生生道妙  
微徊風帝尊雄一元父雌一元君混結交變  
成育五行五行御運六氣迭興素精金華萬  
和成仙靈威洞照明煥九天其光下濟開闢  
幽關太陰曹局黃闕洞淵秉道威令勅告九  
官九官列奏上聞諸天考校罪福宿命因緣  
不得差忒戒教明宣普受開度咸獲升遷遷

升太極書名玉京玉京之上各有生門中有  
五行空洞之音魔王靈章辭參高真

第一飛仙讚歎五行備足之音

元始開圖

生育陰陽

二象既成

七耀飛光

冲和布靈

萬物無傷

安鎮五山

地久天長

至覺體道

與氣合并

水火升降

光照華京

上下往來

流運胎津

百神混結

徊風返生

飛行玉闕

坐觀十方

採集雙華

灌鍊黃房

五行備足

保天無傾

役使百魔

我道澄清

第二真人吟詠生靈壽域之章

龍漢眇眇

回度三華

降生靈考

受氣鬱羅

茫茫貪欲

沉溺愛河

浩劫迷所趣

安能出輪迴

大魔攝汝形

遊魂逐氣歸

既已背正道

受生知何依

汨沒三途中

空使天仙悲

豈知造化心

均壽何有期

十部洞玄篇

以爲登真基

一悟長生道

靈府廓爾開

運身入太虛

合體皆仙飛

第三高真宣示超出五行成道歌曰

差我鬱察山 玉宸誕茲嶽 託靈洪氏胞

幽栖經億劫 得遇虛皇尊 開演靈寶法

鎮天永不傾 怡然坐金闕 濟度無量衆

降神居斗極 把握天地機 經緯環拱立

素靈秉朱旂 青皇建金鉞 逍遙度赤光

玉文當一出 群品之有生 五行皆備足

數極反歸無 誰能定生滅 學真諸仙民

胡不奔日月 一誦飛天書 大劫可超脫

遊宴無何鄉 億天歡且悅

此三界之上飛空之中仙真歌音參洞章  
誦之百徧名度南宮誦之千徧魔王保迎萬  
徧道備飛昇太空過度三界位登仙公有聞  
靈音魔王敬形敕制地祇侍衛送迎拔出地  
戶五苦八難七祖昇遷永離鬼官魂度朱陵  
受鍊更生是謂無量普度無窮有秘上天文  
諸天共所崇泄慢墮地獄禍及七祖翁

道言此二章並是諸天上帝及至靈魔王隱  
秘之音皆是調制五行不相剋伐運備氣足  
招降和氣使生靈之命補斷續絕生生不窮

福祉荐至壽域綿遠元始飛玄之氣結爲洞  
章大梵之言非世上常辭言無韻麗曲無華  
宛故謂玄奧難可尋詳上天所寶秘於玄都  
紫微上宮依玄科四萬劫一傳若有至人齋  
金寶質心依舊格告盟十天然後而付焉

字一

十三

道言夫天地運度否終日月五星虧盈至聖  
神人休否末學之夫疾傷皆非五行備足故  
爲災殃凡有此哉同氣皆當齊心修齋六時  
行香十徧轉經福德立降消諸不祥無量之  
文普度無窮

道言夫未學道淺或先仙品未克運應滅度  
身經太陰五行之氣未備未足金木盜精水  
火伐氣土潰金鎔神爲之遷臨過之時同學  
至人爲其行香誦經十過以度屍形如法則  
五星氣協神精完滿備足之運還生於身魂  
神徑上南宮隨其學功計日而得更生輪轉  
不惑便得神仙

道言夫天地運終星宿錯度日月失昏四時  
失度陰陽不調國境災癘兵氣犯斗疫毒流  
行兆民死傷師友命過同學殞逝皆五運大

小之殊履非其道乖備足之福亦當修齋行  
香誦經夫齋戒誦經功德甚重上消天災保  
鎮帝王下穰毒害以度兆民生死受賴其福  
難勝故曰無量普度天人

道言凡有是經能為天地帝主兆民行是功  
德有災之日發心修齋燒香誦經十過皆諸  
天記名萬神侍衛右別至人剋得為聖君金  
闕之臣諸天記人功過毫分無失天中魔王  
亦保舉爾身得道者乃當洞明至言也

諸天中大梵隱語無量音 道君撰

元始靈書中篇

東方八天

玄密珠穴

洞杳霞津

機運水火

龍浮妙梵

混合神真

無英華紳

白元錦綢

帝一虎中

素景回黃

散房成雲

雄雌氣溢

五露繽紛

儀璘交煥

中池帝君

朱衣碧冠

紫煙四屯

南方八天

生命固壽

五老乘崑

飛光漸海

金液法法 羅阿重冥 寒無太宸  
倏忽萬化 靈根自新 慎諱天禁  
得知寸深 郁玄上都 瓊邾蕭森  
踏白履虛 鳳態寶輪 玄智神停  
生死流塵

西方八天

守不知知 至道冥冥 離邊去思  
神霄有門 端待至空 空為生尊  
神運意鑪 三一常明 玉書寶章  
大梵網輪 結閑勿露 自然成真

真魔鬼帥 走檄驅氛 備運足數  
生靈保身

北方八天

壽實天福 納錫種民 九韶法纓  
巨濫無求 攬綠泛景 浮露洛臺

育蓋竺萌 字一 日導月付 變質龍靈 十五

東蒼南閭 靜省玄評 吳莽迷度  
那韓上京 奏錄度楫 元皇眇澆

恢澤輔忱

道言此諸天中大梵隱語無量之音舊文五

老上帝刻書五星玉闕以正分度降備足之  
氣壽彼生靈字皆廣長一丈天真皇人昔書  
其文以為正音有知其音能齋而誦之者諸  
天皆遣飛天神王下觀其身書其功勳上奏  
諸天萬神朝禮地祇侍門大勳魔王保舉高  
真道備剋得遊行三界升入金門此音無所  
不辟無所不禳無所不度無所不成天真自  
然之音也故誦之致飛天下觀上帝遙唱萬  
神朝禮三界侍軒群杖束首鬼精自亡琳琅  
振響十方肅清河海靜然山嶽吞煙萬靈振

伏招集群仙天無氛穢地無祲塵冥慧洞清  
大量玄玄也

元始无量度人上品妙經卷之四十一